
OFFERYNNAU STATUDOL
CYMRU

2016 Rhif 1220 (Cy. 291)

**LLYWODRAETH LEOL,
CYMRU**

**Rheoliadau Arolygon Etholiadau
Lleol (Cymru) (Diwygio) 2016**

NODYN ESBONIADOL

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn diwygio Rheoliadau Arolygon Etholiadau Lleol (Cymru) 2012 (“Rheoliadau 2012”).

Mae adran 1 o Fesur Llywodraeth Leol (Cymru) 2011 (“y Mesur”) yn gosod dyletswydd ar awdurdod lleol (cyngor sir neu gyngor bwrdeistref sirol) i gynnal arolwg, drwy ofyn cwestiynau rhagnodedig i gynghorwyr ac ymgeiswyr sydd wedi sefyll i gael eu hethol yn gynghorwyr i'r cyngor sir neu'r cyngor bwrdeistref sirol neu i gyngor cymuned yn ardal yr awdurdod lleol. Diwygiwyd adran 1 gan Ddeddf Llywodraeth Leol (Cymru) 2015 (“Deddf 2015”) ac mae'n darparu bod rhaid cynnal yr arolwg cyn neu ar ôl pob etholiad cyffredin ac i dynnu'r gofyniad i awdurdodau lleol wneud trefniadau i wybodaeth gael ei darparu yn ddiennw.

Mae Rheoliadau 2012 yn rhagnodi'r cwestiynau y mae'n rhaid eu gofyn. Mae rheoliadau 3 a 4 yn diwygio Rheoliadau 2012 ac yn mewnosod arolwg newydd yn Rheoliadau 2012. Mae'r arolwg diwygiedig yn debyg i'r arolwg yn Rheoliadau 2012, gan ychwanegu cwestiynau unigryw sy'n cynnwys gwybodaeth adnabod y gellir eu defnyddio er mwyn canfod a oedd ymatebydd i'r arolwg wedi ei ethol yn gynghorydd. Mae'r diwygiadau hefyd yn ei gwneud yn ofynnol i ofyn cwestiynau gwahanol yn dibynnu ar ba un ai cyn neu ar ôl etholiad cyffredin y cynhelir yr arolwg.

Ystyriwyd Cod Ymarfer Gweinidogion Cymru ar gynnal Aseidiadau Effaith Rheoleiddiol mewn perthynas â'r Rheoliadau hyn. O ganlyniad, paratowyd aseiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn. Gellir cael copi oddi wrth y Tîm Democratiaeth,

Amrywiaeth a Chydnabyddiaeth Ariannol,
Llywodraeth Cymru, Parc Cathays, Caerdydd, CF10
3NQ.

OFFERYNNAU STATUDOL
CYMRU

2016 Rhif 1220 (Cy. 291)

**LLYWODRAETH LEOL,
CYMRU**

**Rheoliadau Arolygon Etholiadau
Lleol (Cymru) (Diwygio) 2016**

Gwnaed 13 Rhagfyr 2016

*Gosodwyd gerbron Cynulliad Cenedlaethol
Cymru* 15 Rhagfyr 2016

Yn dod i rym 6 Ionawr 2017

Mae Gweinidogion Cymru, drwy arfer y pwerau a roddir iddynt gan adrannau 1(3)(a) a 175 o Fesur Llywodraeth Leol (Cymru) 2011(1), yn gwneud y Rheoliadau a ganlyn:

Enwi a chychwyn

1.—(1) Enw'r Rheoliadau hyn yw Rheoliadau Arolygon Etholiadau Lleol (Cymru) (Diwygio) 2016.

(2) Daw'r Rheoliadau hyn i rym ar 6 Ionawr 2017.

Dehongli

2. Yn y Rheoliadau hyn—

ystyr “y Mesur” (“*the Measure*”) yw Mesur Llywodraeth Leol (Cymru) 2011; ac

ystyr “Rheoliadau 2012” (“*the 2012 Regulations*”) yw Rheoliadau Arolygon Etholiadau Lleol (Cymru) 2012 (2).

Diwygiadau i Reoliadau 2012

3. Yn lle rheoliad 3 (cwestiynau a ffurflen yr arolwg) o Reoliadau 2012, rhodder—

“3. Cwestiynau a ffurf yr arolwg

At ddibenion adran 1(3)(a) o'r Mesur, mae'r cwestiynau a'r ffurf y maent i

(1) 2011 (mccc 4).
(2) O.S. 2012/685 (Cy. 93).

gael eu gofyn ynddynt wedi eu dangos yn—

- (a) Rhannau 1, 2 a 4 o'r Atodlen os cynhelir yr arolwg yn unol ag adran 1(3A)(b) o'r Mesur; a
- (b) Rhannau 1, 3 a 4 o'r Atodlen os cynhelir yr arolwg yn unol ag adran 1(3A)(a) o'r Mesur.”

4. Yn lle'r Atodlen i Reoliadau 2012 (Arolwg o Ymgeiswyr Llywodraeth Leol yng Nghymru) rhodder yr Atodlen i'r Rheoliadau hyn.

Mark Drakeford

Ysgrifennydd y Cabinet dros Gyllid a Llywodraeth
Leol, un o Weinidogion Cymru
13 Rhagfyr 2016

YR ATODLEN Rheoliad 4

Arolwg o Ymgeiswyr Llywodraeth Leol yng Nghymru

RHAN 1

Gwybodaeth weinyddol

Darparwch yr un manylion isod â'r rheini a roddwyd ar eich ffurflen enwebu neu ffurflenni enwebu.

1. Nodwch 3 nod olaf cod post eich cartref:

Er enghraifft, ar gyfer 'CF10 4LG' nodwch **4LG**

2. Nodwch 3 nod olaf eich cyfenw:

Er enghraifft, ar gyfer 'MURPHY' nodwch **PHY**

3. Nodwch ddiwrnod eich dyddiad geni:

Er enghraifft, ar gyfer '04/05/2017' nodwch **04**

--

RHAN 2

Gwybodaeth am yr ymgeisydd (i'w defnyddio wrth gynnal yr arolwg cyn yr etholiad)

4. Ym mha etholiad ydych chi'n sefyll fel ymgeisydd?

Ticiwch un blwch

Cyngor Sir neu Gyngor Bwrdeistref Sirol

Cyngor Cymuned neu Gyngor Tref

Cyngor Sir neu Gyngor Bwrdeistref Sirol a Chyngor Cymuned neu Gyngor Tref hefyd

5. Pa blaid, os unrhyw un, ydych chi'n ei chynrychioli?

Ticiwch un blwch

- Annibynnol
- Plaid Cymru
- Plaid Geidwadol Cymru
- Plaid Lafur Cymru
- Democratiaid Rhyddfrydol Cymru
- Arall, nodwch os gwelwch yn dda:

6. Ydych chi wedi sefyll i gael eich ethol i Gyngor Sir neu Gyngor Bwrdeistref Sirol yn y gorffennol?

Ticiwch un blwch

- Naddo
- Do, a chefais fy ethol
- Do, ond ni chefais fy ethol

Dim ond os rhoddwyd yr ateb "Do, a chefais fy ethol" i Gwestiwn 6 y mae angen gofyn Cwestiwn 6A

6A. Faint yw cyfanswm nifer y blynyddoedd y buoch yn gwasanaethu fel Cynghorydd Sir neu fel Cynghorydd Bwrdeistref Sirol?

Dylech gynnwys pob cyfnod y buoch yn gwasanaethu fel Cynghorydd Sir neu fel Cynghorydd Bwrdeistref Sirol

_____ blwyddyn

7. Ydych chi wedi sefyll i gael eich ethol i Gyngor Cymuned neu i Gyngor Tref yn y gorffennol?

Ticiwch un blwch

- Naddo
- Do, a chefais fy ethol
- Do, ond ni chefais fy ethol

Dim ond os rhoddwyd yr ateb “Do, a chefais fy ethol” i Gwestiwn 7 y mae angen gofyn Cwestiwn 7A

7A. Faint yw cyfanswm nifer y blynyddoedd y buoch yn gwasanaethu fel Cynghorydd Cymuned neu fel Cynghorydd Tref?

Dylech gynnwys pob cyfnod y buoch yn gwasanaethu fel Cynghorydd Cymuned neu fel Cynghorydd Tref
_____blwyddyn

RHAN 3

Gwybodaeth am yr ymgeisydd (i’w defnyddio wrth gynnal yr arolwg ar ôl yr etholiad)

4. Ym mha etholiad wnaethoch chi sefyll fel ymgeisydd?

Ticiwch un blwch

- Cyngor Sir neu Gyngor Bwrdeistref Sirol
- Cyngor Cymuned neu Gyngor Tref
- Cyngor Sir neu Gyngor Bwrdeistref Sirol a Chyngor Cymuned neu Gyngor Tref hefyd

Dim ond os rhoddwyd yr ateb “Cyngor Sir neu Gyngor Bwrdeistref Sirol” i Gwestiwn 4 y mae angen gofyn Cwestiwn 4A

4A. Rydych wedi dweud eich bod wedi sefyll i gael eich ethol i Gyngor Sir neu Gyngor Bwrdeistref Sirol. Beth yw eich statws yn dilyn yr etholiad?

Ticiwch un blwch

- Etholedig Anetholedig

Dim ond os rhoddwyd yr ateb “Cyngor Cymuned neu Gyngor Tref” i Gwestiwn 4 y mae angen gofyn Cwestiwn 4B

4B. Rydych wedi dweud eich bod wedi sefyll i gael eich ethol i Gyngor Cymuned neu Gyngor Tref. Beth yw eich statws yn dilyn yr etholiad?

Ticiwch un blwch

- Etholedig Anetholedig

Dim ond os rhoddwyd yr ateb “Cyngor Sir neu Gyngor Bwrdeistref Sirol a Chyngor Cymuned neu Gyngor Tref hefyd” i Gwestiwn 4 y dylid gofyn Cwestiwn 4C

4C. Rydych wedi dweud eich bod wedi sefyll i gael eich ethol i Gyngor Sir neu Gyngor Bwrdeistref Sirol a Chyngor Cymuned neu Gyngor Tref hefyd. Beth yw eich statws yn dilyn yr etholiad?

Ticiwch un blwch ym mhob rhes

	Etholedig	Anetholedig
Cyngor Sir neu Gyngor Bwrdeistref Sirol	<input type="checkbox"/>	<input type="checkbox"/>
Cyngor Cymuned neu Gyngor Tref	<input type="checkbox"/>	<input type="checkbox"/>

5. Pa blaid, os unrhyw un, oeddech chi'n ei chynrychioli?

Ticiwch un blwch

- Annibynnol
- Plaid Cymru
- Plaid Geidwadol Cymru
- Plaid Lafur Cymru
- Democratiaid Rhyddfrydol Cymru
- Arall, nodwch os gwelwch yn dda:

6. Ydych chi wedi sefyll i gael eich ethol i Gyngor Sir neu Gyngor Bwrdeistref Sirol yn y gorffennol?

Ticiwch un blwch

- Naddo
- Do, a chefais fy ethol
- Do, ond ni chefais fy ethol

Dim ond os rhoddwyd yr ateb “Do, a chefais fy ethol” i Gwestiwn 6 y mae angen gofyn Cwestiwn 6A

6A. Faint yw cyfanswm nifer y blynyddoedd y buoch yn gwasanaethu fel Cyngorydd Sir neu fel Cyngorydd Bwrdeistref Sirol?

Dylech gynnwys pob cyfnod y buoch yn gwasanaethu fel Cyngorydd Sir neu fel Cyngorydd Bwrdeistref Sirol

_____ blwyddyn

7. Ydych chi wedi sefyll i gael eich ethol i Gyngor Cymuned neu Gyngor Tref yn y gorffennol?

Ticiwch un blwch

- Naddo
- Do, a chefais fy ethol
- Do, ond ni chefais fy ethol

Dim ond os rhoddwyd yr ateb "Do, a chefais fy ethol" i Gwestiwn 7 y mae angen gofyn Cwestiwn 7A

7A. Faint yw cyfanswm nifer y blynyddoedd y buoch yn gwasanaethu fel Cyngorydd Cymuned neu fel Cyngorydd Tref?

Dylech gynnwys pob cyfnod y buoch yn gwasanaethu fel Cyngorydd Cymuned neu fel Cyngorydd Tref _____blwyddyn

RHAN 4

Nodweddion yr ymgeisydd

8. Ydych chi'n:

Ticiwch un blwch

- Gwryw
- Benyw

9. Ym mha ystod oedran oeddech ar eich pen-blwydd diweddaraf?

Ticiwch un blwch

- | | |
|------------------------------------|---|
| <input type="checkbox"/> 18-24 oed | <input type="checkbox"/> 55-59 oed |
| <input type="checkbox"/> 25-29 oed | <input type="checkbox"/> 60-64 oed |
| <input type="checkbox"/> 30-34 oed | <input type="checkbox"/> 65-69 oed |
| <input type="checkbox"/> 35-39 oed | <input type="checkbox"/> 70-74 oed |
| <input type="checkbox"/> 40-44 oed | <input type="checkbox"/> 75-79 oed |
| <input type="checkbox"/> 45-49 oed | <input type="checkbox"/> 80 oed neu'n hŷn |
| <input type="checkbox"/> 50-54 oed | |

10. A oes gennych gyfrifoldeb rhiant am blentyn 16 oed neu'n iau?

Ticiwch un blwch

- Oes Nac oes

11. Beth yw eich grŵp ethnig?

Ticiwch un blwch

A. Gwyn

- Cymreig/Seisnig/Albanaidd/Gogledd Iwerddon/Prydeinig
- Gwyddelig
- Sipsi neu Deithiwr Gwyddelig
- Unrhyw gefndir gwyn arall

B. Grwpiau cymysg/aml-ethnig

- Gwyn a Du Caribïaidd
- Gwyn a Du Affricanaidd
- Gwyn ac Asiaidd
- Unrhyw gefndir cymysg neu aml-ethnig arall

C. Asiaidd/Asiaidd Prydeinig

- Indiaidd
- Pacistanaidd
- Bangladeshaidd
- Tsieineaidd
- Unrhyw gefndir Asiaidd arall

D. Du/Affricanaidd/Caribïaidd/Du Prydeinig

- Affricanaidd
- Caribïaidd
- Unrhyw gefndir Du/Affricanaidd/Caribïaidd arall

E. Grŵp ethnig arall

- Arabaidd
- Unrhyw grŵp ethnig arall

12. Beth yw eich crefydd?

Ticiwch un blwch

- Dim crefydd
- Cristion (pob enwad)
- Bwdhydd
- Hindŵ
- Iddew
- Mwslim
- Sikh
- Unrhyw grefydd arall, rhowch fanylion:

13. Ydych chi'n eich ystyried eich hun yn:

Ticiwch un blwch

- Heterorywiol neu strêr
- Hoyw neu lesbiaidd
- Deurywiol
- Arall

14. Ydych chi'n gallu deall, siarad, darllen neu ysgrifennu Cymraeg?

Ticiwch pob blwch sy'n gymwys

- Yn deall Cymraeg llafar
- Yn siarad Cymraeg
- Yn darllen Cymraeg
- Yn ysgrifennu Cymraeg
- Dim un o'r uchod

15. Beth yw eich prif iaith?

Ticiwch un blwch

- Saesneg
- Cymraeg
- Arall (gan gynnwys Iaith Arwyddion Prydain), rhowch fanylion:

Addysg a chyflogaeth

16. Beth yw eich cymhwyster addysgol uchaf?

Ticiwch un blwch

- Dim
- Lefel 'O', TGAU, CSE, NVQ Lefel 1/2 neu gyfwerth
- Level 'A', NVQ Lefel 3 neu gyfwerth
- NVQ Lefel 4 neu gyfwerth
- Gradd Sylfaen neu Radd Gyffredin, NVQ Lefel 5, Diploma Cenedlaethol Uwch neu Dystysgrif Genedlaethol Uwch
- Gradd Anrhydedd
- Cymhwyster Meistr Ôl-raddedig
- Cymhwyster proffesiynol (e.e. cyfrifyddiaeth)

17. Beth yw eich statws cyflogaeth cyfredol?

Ticiwch pob un sy'n gymwys

- Mewn cyflogaeth llawnamser
- Mewn cyflogaeth ran-amser
- Hunangyflogedig
- Di-waith
- Myfyriwr llawnamser
- Myfyriwr rhan-amser
- Wedi ymddeol
- Ar absenoldeb mamolaeth
- Yn gofalu am deulu neu gartref
- Salwch hirdymor neu anabl
- Ar un o gynlluniau hyfforddiant y llywodraeth
- Gweithiwr di-dâl mewn busnes teuluol
- Gofalwr di-dâl
- Arall, rhowch fanylion:

18. Pa gategori sy'n disgrifio orau eich sector cyflogaeth cyfredol neu ddiweddaraf?

Ticiwch un blwch

- Llywodraeth Leol
- Llywodraeth Ganolog
- Y GIG
- Addysg
- Cyflogwr arall yn y sector cyhoeddus
- Sector preifat
- Sector gwirfoddol
- Amaethyddiaeth
- Arall, rhowch fanylion:

19. Pa gategori sy'n disgrifio orau eich math o gyflogaeth gyfredol neu ddiweddaraf?

Ticiwch un blwch

- Rheolwr neu swyddog gweithredol
- Gweithiwr proffesiynol neu dechnegol
- Darlithydd, athro neu ymchwilydd
- Gwaith gweinyddol, clercol, ysgrifenyddol neu werthiant
- Gwaith llaw neu grefftwr
- Arall, rhowch fanylion:

20. Ydych chi wedi rhoi cymorth di-dâl, er enghraifft, fel gwirfoddolwr, ymddiriedolwr neu aelod o fwrdd, i unrhyw un o'r mathau hyn o grwpiau neu sefydliadau ar unrhyw adeg yn ystod y 12 mis blaenorol?

Ticiwch un blwch ym mhob rhes

	Do	Naddo
Addysg plant/ysgolion	<input type="checkbox"/>	<input type="checkbox"/>
Gweithgareddau ieuencid/plant (y tu allan i'r ysgol)	<input type="checkbox"/>	<input type="checkbox"/>
Addysg oedolion	<input type="checkbox"/>	<input type="checkbox"/>
Chwaraeon neu ymarfer corff (e.e. hyfforddi)	<input type="checkbox"/>	<input type="checkbox"/>
Grŵp crefyddol neu grŵp ffydd	<input type="checkbox"/>	<input type="checkbox"/>
Grŵp ar sail rhywedd	<input type="checkbox"/>	<input type="checkbox"/>
Grŵp rhywioldeb	<input type="checkbox"/>	<input type="checkbox"/>
Plaid wleidyddol	<input type="checkbox"/>	<input type="checkbox"/>
Grŵp iechyd, anabledd neu les cymdeithasol	<input type="checkbox"/>	<input type="checkbox"/>
Yr henoed	<input type="checkbox"/>	<input type="checkbox"/>
Cymorth cyntaf	<input type="checkbox"/>	<input type="checkbox"/>
Grŵp amgylcheddol	<input type="checkbox"/>	<input type="checkbox"/>
Grŵp lles anifeiliaid	<input type="checkbox"/>	<input type="checkbox"/>
Cyfiawnder neu Hawliau Dynol	<input type="checkbox"/>	<input type="checkbox"/>
Grŵp cymunedol neu grŵp cymdogaeth	<input type="checkbox"/>	<input type="checkbox"/>
Grŵp dinasyddion	<input type="checkbox"/>	<input type="checkbox"/>
Clwb cymdeithasol	<input type="checkbox"/>	<input type="checkbox"/>
Undeb llafur	<input type="checkbox"/>	<input type="checkbox"/>
Arall (Rhowch fanylion isod)	<input type="checkbox"/>	<input type="checkbox"/>

Os ydych chi wedi dewis "arall" rhowch fanylion _____

Iechyd ac anabledd

21. Sut mae eich iechyd corfforol yn gyffredinol?

Ticiwch un blwch

- Da iawn
- Da
- Gweddol
- Gwael
- Gwael iawn

22. Sut mae eich iechyd meddwl yn gyffredinol?

Ticiwch un blwch

- Da iawn
- Da
- Gweddol
- Gwael
- Gwael iawn

23. Ydych chi'n ystyried eich hun yn berson anabl?

Ticiwch un blwch

- Ydw
- Nac ydw

24. A oes gennych salwch neu anabledd sy'n cyfyngu ar eich gweithgareddau mewn unrhyw ffordd?

Ticiwch un blwch

- Oes
- Nac oes

25. A oes gennych unrhyw un o'r cyflyrau canlynol:

Ticiwch un blwch ym mhob rhes

	Oes	Nac oes
Nam corfforol	<input type="checkbox"/>	<input type="checkbox"/>
Nam ar y synhwyrdd	<input type="checkbox"/>	<input type="checkbox"/>
Anabledd dysgu	<input type="checkbox"/>	<input type="checkbox"/>
Problem iechyd meddwl	<input type="checkbox"/>	<input type="checkbox"/>
Cyflwr iechyd hirdymor	<input type="checkbox"/>	<input type="checkbox"/>
Arall (rhowch fanylion isod)	<input type="checkbox"/>	<input type="checkbox"/>

Os ydych wedi dewis 'Arall' rhowch fanylion: _____